

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Specimen Inaugurale Academicum, Sistens Luem
Animarum Boehmisticam, ubi ostenditur, quanto cum
animarum periculo Jacobi Boehmii, Sutoris Görlizensis,
scripta planè fanatica vel amentur & legantur, ...**

Wild, Adam

Altdorfii, 1705

III.

urn:nbn:de:bsz:31-105875

doctrinam, quā in omni divinae notitia & virtutum genere illuminatur, sedulō inculcat: & (γ) unionem inde cum DEO, seu summo bono, promittit, in quo per firmam animi fiduciam acquiescat, præceteris excusat Dionysius ille Areopagita, scriptor adulterinus, ad IV. sec. finem & V. initium pertinens; sed tantā laborat obscuritate, quantum etiam hodierni Mystici,

II. Cum Scholastica Theologia omnem pietatem videretur unire per controversias inutiles & plerumq; nocivas, verbales, rixosas tractare, ex odio abusus Theologiae Scholasticae, revocata Theologiae Mystica, in alterum extremū delapsi sunt quidam ejus Professores, existimantes, aut contingere Spiritum S. homini ante verbū exterum per ipsius preparationes, anima purgativas ac dispositivas, aut ex sola Scriptura lectione, seposito omni humano eodemq; organico studio, Spiritus illuminationem expectari, & hoc pacto ita hominem DEO uniri, ut deificetur, & ad DEI essentiam, ex qua primitus effluxerit, redeat.

III. Illicita ab externo, libero & Christiano Magistratu politico ordinato cœtu (cum modernus sit Babelicus & Anti-Christianus) segregationes, & peculiares istiusmodi conventus, (cum Ecclesia non debeat esse certo ordini, legibus, horis & institutis alligata) quoconque pacto instituti, plenum inducunt Separatismum, quem adamant Mennonistæ, Schwenckfeldiani, Boehmiste, Labadistæ, Borignoniani, Quackeri & alii.

IV. Privatos pietatis conventus, in quibus salutaris vel legend o literas & librum alium atque sanum, vel colloquia de rebus piis ac devotis instituendo, Christianismus exerceatur, & DEUS T.O. M. debito modo collaudetur, non parum utilitatis habere, & morem spernendum non esse, putamus, si abusus possit & discordia docentium evitari. Id vero si obtineri nequeat, ea via eligenda est, quā veritati pariter & paci prospicitur; ut recte judicat B. Schomerus in Praef. lib. de Collegiat. non dissentiente consummatissimo Theologo Rostochiensi, Dn. D. Fechtio; quod etiam suo exemplo comprobavit celeberrimus Theologus Hamburgensis, Wincklerus, b. m. privata pietatis, ut vocant, collegia, animadversorum abusu & offensione, inde nasciente, prorsus abrogans.